

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社


四庫全書存目叢書

史部
第一一二冊

責任編輯：孫言誠

賀 偉

ISBN 7-5333-0535-3



9 787533 305352 >

ZB100/07

四庫全書存目叢書·史部一一二

(大陸版·限中國大陸發行)

四庫全書存目叢書編纂委員會編



齊魯書社出版發行

(濟南經二路勝利大街)

廣東精裝印務有限公司印製

787×1092 毫米 16 開本 45.875 印張

1996 年 8 月第 1 版 1996 年 8 月第 1 次印刷

印數 1-100

ISBN 7-5333-0535-3

Z·37 史部定價：87600 圓

史部第一一二冊目次

史部·傳記類

皇明詞林人物考十二卷(二)

〔明〕王兆雲輯
北京大學圖書館藏明萬曆刻本

..... 一

弇州史料前集三十卷

〔明〕王世貞撰 董復表輯
中國人民大學圖書館藏明萬曆四十二年刻本

..... 二三五

皇明詞林人物考十二卷

(二)

〔明〕王兆雲輯

北京大學圖書館藏明萬曆刻本

附《四庫全書總目·明詞林人

物考十二卷》提要

皇明詞林人物考卷之五

楚麻城王兆雲元禎輯

豫順陽李 蔭褶燉閱訂

何仲默

何先生者信陽人也名景明字仲默號大復山人年十五以尚書魁其省十九登壬戌進士授中書舍人是時北地李獻吉武功康德涵鄠杜王敬夫歷下邊廷實皆好古文辭先生與論文語合乃一意誦法古文而與獻吉又駿發齊名詞林人物考卷五
憂憤時事尚節義而鄙榮利並有國士之風焉往學士爲文自六朝以後日益靡敝矣國初尚襲元習宣正以來駸駸如宋矣至弘正間先生與諸君子始一變趨古其文類國策史記詩類漢魏盛唐于是明興詩文足起千載之衰而何李最爲大家今學士家稱曰何李或稱曰李何屹然爲一代山斗云在中書時自館閣諸縉紳與四方學士人人願見先生又願見先生詩車馬填門巷不祀而先生德性醇明言儀

雍雅枯酒談笑間詩文立就作字復秀拔奇勁
迥出常調一時聲傾都下然顧高潔不妄交游
錢寧欲交驩先生間持古畫求先生題先生曰
此名畫無污吾題畱一年終不與題是時寧賜
宗姓最寵貴弄權先生顧奴視遠之會 乾清
宮災應 詔言便事乃極言邊軍番僧義子數
事義子者斥錢寧也疏畱中不出師御史客从
京師權倖廖鵬者賄之棺謂可結縉紳謹也
先生曰御史生不苟受奚爲受汚地下邪乃約

讀林人

卷五

工

所知共賻金歛之意卻其棺後督學關中會
第鸞鎮守關中恃勢益橫諸叅隨者遇二司不
下馬先生執叅隨者礎于市責數之乃諸叅隨
者始人人歛避矣先是逆瑾撓吏部權則移書
許太宰引正大義獻吉與姜御史詰奏又移書
楊太宰直獻吉獄少師李西涯疏上乞休會有
兵事又援古大臣義爲書讓之三書皆非身事
而抗言尊顯語涉時忌議者謂憂國憐才古人
莫加也顧獨以不能干謁守中書十年不調官

然志在經術世務終不言功名事其督教關中
士亦以經術世務如其所自志關中士氣習文
藝蓋自是一大變云是時世寧侍先生正學書
院先生說五經義與諸家訓詁多殊私以爲諸
訓詁不及也古天文地理陰陽律曆家皆能究
其指意常言彼有是有不是欲取經訓與諸家
書刪繁折衷成一家言願三十九而卒志業竟
不及就也豈命數然邪抑詩文盡洩神秘固造
物所忌邪嗟傷乎傷乎而志狀則言先生使滇

讀林人

卷五

王

南不持滇南一吻持父母喪不終禫則不酒不
琴性不喜華麗不治產祿入盡散親故臨卒時
餘三十金篋中此固世俗所難在先生猶其細
者始先生崛起汝南人卽以爲班固崔駰陸雲
王勃之流也夫數子皆幼慧英特才藻雄麗者
故人以比先生至先生德量風節數子又安可
並論哉世多言 士少文才人行劣二者蓋更
相笑也乃先生 獨稱全才可不謂振古豪傑
士邪所著雍雅三十卷何子十二篇詩歌千

餘有書疏駁賦序記銘贊雜文數百篇盛傳當世名可萬世不朽矣

王錦夫

王尚綱字錦夫號蒼谷河南郊縣人五歲讀孝經至立身揚名以顯父母乃謂其父曰兒長當如此年十八以儒士中弘治乙卯鄉試壬戌第進士授兵部職方主事正德戊辰調吏部稽勳主事尋遷驗封員外郎稽勳郎中值尚書張綏阿逆瑾勢每有私囑輒以正對且反覆理諭綏甚銜之或謂尚綱曰固知不屑富貴如取禍何尚綱曰是有命焉非逢迎所能免不閱月綵坐

瑾黨誅楊遂菴爲尚書與議論多不合乞補外爲山西叅政疏請侍養家居十九年於蒼山谷中築讀書臺開渴睡洞往來于扈礪墅徜徉於馬牛亭隨意所適若將終身京師故舊不通一字雖徵書屢至不應起四川叅政亦不赴嘉靖丙戌起陝西時陝西值虜寇遂菴自吏部尚書歸復起三邊總制見尚綱喜曰吾今日乃知王錦夫也卽以兵柄付之不閱月奏捷遂菴特疏以薦聞母喪歸起復赴部中途適歲饑奏採荒

十三事又上昭聖心述臣志疏復除山西叅政遷浙江右布政使巡按御史李佶以其不行磬折妄撫論列尚綱遂棄官歸吏部奏佶職在激揚論事不實尚綱宜照舊供職乃復入浙蓋已非其志矣冬十月疾卒四壁蕭然囊無一金三子曰同曰和曰府仰體先志卻賻金四百有蒼谷集十二卷薛應旂曰余爲南吏部主事時安陽崔後渠爲禮侍嘗與余論弘治間人才其在中州者則以何柏齋王蒼谷爲首稱謂其志於

翰林人物考

卷五

六

理學而李空同何大復王浚川孟有涯諸公則文章氣節之士耳及余進郎中臨汾張西磐爲吏部每論及同年之在中州者則亦曰柏齋蒼谷而大復浚川次之其評隲之微亦後渠意也

顧文康

公名鼎臣字九和號未齋崑山人舉進士第一爲翰林修撰預修孝廟實錄遷侍講轉左春坊左諭德兼侍讀世宗初爲經筵日講官移疾予告久之病良已復官尋遷翰林院學士掌院事明年超拜詹事府詹事學士如故久之遷禮部右侍郎尋以吏部左侍郎掌詹事府事進禮部尚書兼掌如故屢敎庶吉士監錄累朝實訓實錄成加太子太保主考會試進兼文淵閣大學士皇天冊表禮成加少保太子太傅兼武英殿大學士上南巡狩承天公佐皇太子監國其敕公有內自禁掖外而都城及邊陲并大小百司庶務悉以付卿語蓋皇太子方幼冲上所以寄之於古亡兩云公長七尺虬髯虎觀目炯炯射人聲吐如鐘性跼弛好聲酒及內人或以風之意殊弗屑也自其在班行上固以目屬之及進講益稱旨亟欲大拜而爲故相孚敬所阻止然上內憐公卽言路見枹枹

翰林人物考

卷五

七

愈苦愈不聽也。前後所賜白玉金寶束帶麒麟
飛魚蟒服御書銀章金綺食物不可勝計。公以
病瘡在告久之乃卒。年六十有八。贈太保。賜祭
及葬。遣官護其喪歸。所著有詩文雜集。合奏議
凡若干卷。公不好修鄉曲名。以故少稱者。而其
所疏築邑城丈田均賦。久而見其利。始思之。爲
疏乞專祠以祀。詔曰可。

董文玉

公名玘。字文玉。浙江會稽人。弘治時會試第一。
畢。力問學。綽有聲稱。入翰林院。編修。歷官至吏
部左侍郎。玘在翰林時。嘗請重修孝廟實錄。
及嘉靖議郊祀大禮。玘獻議曰。臣謹按禮記言
祀典者。莫詳於祭法。首敘虞夏殷周之郊。繼之
曰燔柴于泰壇。祭天也。瘞埋於泰圻。祭地也。是
祭天祭地之禮不同矣。其曰理少牢於泰昭。祭
時也。相近於坎壇。祭寒暑也。王宮祭日也。夜明

詞林人物考 卷五

九

祭月也。幽宗祭星也。雩宗祭水旱也。四坎壇。祭
四方也。山林川谷丘陵。能出雲爲風雨。見怪物。
皆曰神。有天下者。祭百神。而社則有大社。王社。
國社。侯社之別焉。是其各祭不同矣。又曰。日月
星辰。民所瞻仰也。山林川谷丘陵。民所取財也。
是祀典不可偏廢矣。郊特牲曰。郊之祭也。迎長
日之至也。兆於南郊。就陽位也。是祭天必以冬
至。其位必於南郊矣。而不言祭北之所。其在周
代。大宗伯以禋祀祀昊天上帝。以實柴祀日月

人以類燎祀司中司命飢師雨師以血祭祭社稷五祀五嶽以狸沈祭山林川澤而亦不言地惟太司樂冬至至禮天神於地上之圜丘夏至至禮地祈於澤中之方丘以天與地並言圜丘卽所謂泰壇方丘卽所謂泰圻是其時與位皆不同矣而未有北郊之名也至漢匡衡請定南北郊北郊之名始見於此蓋其說出于緯書若不足據然其言就陽卽陰之象則禮之正也自時厥後議者紛然互有得失蓋古者祭天地有正祭有告祭冬至一陽生天道之始又生物之始也故順天道之始而報天焉必於圜丘順陽位也夏至一陰生地道之始又成物之始故順地道之始而報地焉必於方丘順陰位也此所謂正祭也舜之嗣堯位也類於上帝望於泰山東巡守則柴望秩於岱宗武王之伐商也告於皇天后土又柴望大誥武成成王之營洛也丁巳用牲於郊翼日戊午乃社於新邑皆因事並告天地有同日而舉者有繼日而舉者此

卷五

十

謂告祭也然上帝曰類者謂倣祀之禮而爲之則非正祭天矣告地而舉望祭之禮或社祭之禮則非正祭地矣蓋特祭天地乃報本之正祭也故辨方正位順時陰陽其禮別而專並祭天地因事而告祭也故隨在致虔不拘時位其禮合而簡禮雖不同義各有當也此義弗明於是夏以孟春上辛天子親合祭于南郊而以冬至夏至有司分祭者矣若元始建武所行是也有請于冬至南郊而合祭天地者若顧臨等所言

卷五

十

是也有援虞周告祭之禮以證天地當合祭者如蘇軾所言是也此皆後世之謬誤我明朝有天下之初卽建圜丘於鍾山之陽以冬至祀天建方丘於鍾山之陰以夏至祀地一如古制而山以爲南北日月星辰太歲諸辰則從祀圜丘真海濱山川諸神則從祀方丘天神地祇類而又春分朝日有朝日壇秋分夕月有夕月壇其壇位禮儀具載存心錄者可考見也至洪武十年復定各祀之禮時以大祀殿

未成暫合祀於奉天殿十二年正月乃合祀於南郊羣神皆從而日月星辰之專祭亦罷今大祀文合祭天地文及論中書勅載於御製文集者可考見也於時儒臣解縉嘗建議請復掃地之規竟亦未行豈禮固以時爲大歟茲者大祀既畢聖心猶若未安欲遵復洪武始制以盡事天之誠且俾人各陳所見夫上下之分陰陽之義淵衷益已洞然矣臣復何辭然欲求其是則分祀者固古禮之正也分而復合亦出

翰林人物考

卷五

七

上之獨見神斷殆未易窺測者記曰惟聖人爲能饗帝開創於始續承於後精神之運心術之動庸有潛孚而默契者乎況茲重大之典欲復其初宜必慎所處矣顧豈臣愚所能與哉玆有文集六卷武進唐順之爲序然世不著稱也

崔文敏

公名銑字子鍾河南安陽人弘治乙丑進士選翰林庶吉士授編修以忤劉瑾調南京吏部驗封主事瑾誅再入翰林謝病去官嘉靖初以史事召遷南京國子監祭酒銑沉研蘊奧力學振古爲文慕左氏國語不肯作歐蘇體每篇出命掘簡勁讀者或不能句以是頗不見悅於俗而當世名流如何李王邊董玘顧璘輩咸所推轂自謂不逮焉又素究道術辭闢陸學每著論詞林人物考卷五

七

張文定

張公名邦奇字常甫鄞縣人弘治乙丑進士賦性耿介立志清苦以翰林檢討出爲湖廣提學副使涵養端雅謀猷醇確明禮教崇行義勤督有程課試有常以身率士所獎拔者往往知名數年文體士習丕變然未嘗大聲色而潛移默動有出於督率之外者歷官至禮部尚書謚文定

魏恭簡

魏公名校字子才蘇州崑山人也登弘治乙丑進士授刑部主事歷廣東提學副使教士以德行爲先風俗爲之丕變歷國子監祭酒兼太常卿謚恭簡隆慶改元贈禮部右侍郎校恬靜端確篤志學問始而肆力墳典繼而反之身心內外交養蓋非一偏之學也自歷官以至居鄉自持瞿瞿事必先依成法儼然朝夕守而勿渝歷官堂卿而澹若寒士蓋亦士林中不幾見者東

南人品此其第一流者矣至今士林無不仰慕之云著作皆從體認中非浮泛語也所謂善言德行者非其人耶

田勤父

田汝耕字勤父汴之祥符人弘治戊午鄉舉乙丑舉進士授行人選給事中是時劉瑾竊政瑾誅閣嗣其所行朝紀聿紊官惟附權潤已汝耕挺立其間絕請謁攻詞賦與崔銑交舊而雅好何舍人景明每過兩人浮白吟詩慨時自憤曰引裾請劍者固丈夫許國爾顧夷不當其會而請不中歟殺身無益彰主之暴嗟乎迹與心違命與世左是以西山餓天夫也汝耕遇事斤斤

詞林人物考

卷五

十六

自信敢斷時值端揆虛位爭進者汝耕上疏言當用大臣以忠諫去位如韓文等遭旨斥然不褫職又效武率時源恃功淫縱遷江西提學僉事江西士習譏恣尚請託提學官校士不合素所評輒叟謹徑去善宦者先陰訪衆議叅以今試者列名下之汝耕雅好秦漢諸家書刻行史記往以舉業譽者汝耕病其腐置下列又遵勅諭賢知府伍文定同知曹琥四人及教官十二人及退居御史宋景及逸士某俱上疏薦又

勅知縣及校官不職者十餘人憲臣及僚惡其便官乃共騰謗當考官時南臺劾之調山西自山西遷湖廣副使皆理獄訟清屯田修水利催庾儲事靡不飭前後乞休者三乃得請時年四十五既還汴力田養母杜門誦讀聲琅琅聞戶外病六經庸學傳注紛如字稱句品思纂輯成一家言僅畢周易而已詩暨古文集若干卷第卽汝棘

詞林人物考

卷五

十七

湛文簡

顧惟賢

公名若水字元明號甘泉增城人弘治中進士授翰林編修歷南京兵部尚書嘉靖癸丑年八十八遊衡山講明正學楚士爲立書院踰三年丙辰年九十一再至有遊南嶽講議詩篇彙爲集隆慶中贈太子太保謚文簡

公名應祥字惟賢長興人弘治進士累官刑部尚書初歷廣東僉事擒勦海寇雷振等斬首千四百餘級巡撫雲南經畧二十餘疏更定永昌

翰林人

卷五

十

府衛騰越州鳳梧所諸御署築尋甸等府城垣添設永昌等府縣學師儒申明射禮在刑部奏定大明律例致仕歸卒年八十三贈太子少保著惜陰錄人代紀尚書纂言歸田詩選授時曆法測圓海鏡唐詩類抄明文集要等書

黃勉之

黃省曾字勉之別號五嶽山人蘇州人也挺人傑之資當舞象日固已田百氏之藪而漁獵之一下筆而屈其豪賢長者卽王少傅喬太宰不敢稱前進而交先生先生意不懌以書贊於北地李獻吉相與揚扆自六代西京而下距嘉靖二千載如指掌也乃先生則愈欲然以爲無當於世日夜攷載籍徵者碩以究極乎古今興衰倚伏之變國典廟彝禮樂比詳兵車水土平準

翰林人

卷五

十

之策下至於星曆醫卜農賈覆逆支離人竭五官之職而恨其畧者先生饒辨之矣乃愈以爲卽當於世亦役我以老而無當於真我東走謁王文成公陽明洞天眉宇接而心神融了然獨悟天則之妙歸而著會稽問道錄先生自謂得王氏玄珠然絕不以語人又不立門戶而所謂問道錄者綱之以十襲之緗而不更發中間嘗應魁薦一游南宮有所不可輒嘆曰此爲置千里骨者邪吾束吾腹歸矣先生高其德而弗耀

卑其功而弗試其言之通於德與功者又秘弗出僅以其餘而應天下天下亦遂以先生之餘而欲盡先生嗚呼先生豈易盡哉評者謂先生騷賦似枚楊語苑似向詩傳似韓論難似充碑誄出東京間以六代五言古出建安二謝下沿齊梁七言歌行出樂府時時青蓮之致近體出景龍雜大曆以後尚裁者服其法務宏者賞其博偏致者驚其漫獨創者病其擬而要之俱非能盡先生者余所謂盡蓋先生之言標德而蘊

翰林人物考

卷五

十

功之言也

陸子淵

陸公名淵字子淵松江上海人發解南畿舉進士入翰林是時弘治御極朝廷清百官各安其職得以其餘肆力於簡冊翰墨之間諸司各屬往往名雋崛起與館閣之士爭衡深於時翹然特出與李空同徐迪功上下其議論至於字學比於趙松雪深晦書日數百字過同舍見鬆几輒縱筆塗寫苟若無人其品隲古今商確事理賞析文義辨識書畫古品談鋒洒然一座盡傾天下之士聞其名而慕往揖其貌聽其論而驚以伏也深自翰林編修陞國子司業丁憂家居數年以廷臣薦起入備講讀遂陞祭酒一日經筵進講內閣閱其講章輒加寬易深講畢面奏云今日講章非臣原撰乞自今容講臣得盡其愚上雖可之而經筵面奏非故事深出上疏謝罪上復批答以講章內閣閱看係舊規不必更改果有所見當別具聞深感激條奏有關聖學事凡千餘言上之當路益忌之疏下吏

翰林人物考

卷五

十一

部左遷延平府同知陞山西副使提學陽曲生
員父爲知縣苦死訴於御史趙反抵生罪深與
力辦不合卽上疏劾趙趙亦劾深已而科道官
趙實趙請外任深得復職補浙江副使仍理學
政陞江西參政四川左布政召爲光祿卿內閣
疏薦領修 玉牒改太常卿兼侍讀學士扈
駕幸承天給行在印陞詹事府詹事宗廟災
詔百官修省於是深疏乞休得致仕後數年卒
公無子以弟之子繼襲公遺文刻之凡一百卷

書林人物志

卷五

五

又著詩徵書輯道南三書河汾燕間錄史通會

要蜀都襍抄平湖錄諸種博而核皆足傳世

○穆文簡

穆公孔暉字伯潛自號玄庵世堂邑人少穎悟
疑重未成童卽文章奇古爲識者所器弘治甲
子舉山東鄉試第一乙丑登進士選庶吉士授
翰林院檢討預修 孝廟實錄忤逆瑾意調南
京國子監司業以外艱歸服闋改北監司業翰
林院侍讀充經筵講官預修 武廟實錄陞左
春坊左庶子兼翰林院侍講學士入直便殿日
講孔暉旣以經術仕謂足以行也因摠所得發
爲講義簡明剴切寓誠規諫聞者皆悚敬焉未
幾進掌院事庚寅冬十有二月於 文華殿奉
安至聖先師神位因論講臣人各陳經書大旨
一章孔暉獨取孟子卒章發其見知聞知之奧
篇末獻言指切時弊大略謂用人者不肯體
聖心布公道使私求者易進直道者難容由是
內外大小臣工罔不改操趨時道化未洽皆由
於此故欲用人之得其道當在聽言之致其審
偏聽則蔽兼聽則明以一人愛憎之口爲人不

邪正之據此用舍之際或有未究於理者矣奏
入聞者寔之以陰雨免朝不及侍 文華殿自
劾改南京尚寶司卿給事中葉洪上言穆某聖
代淳儒留之左右必足以裨益聖德不報轉南
太僕少卿遷南太常寺卿自是凡十擬侍郎皆
不果用以疾自陳得致仕歸孔暉自是杜門靜
養而望實益彰所著述有讀易錄尚書困學前
漢通紀諸史通編遊藝集若干卷其大學千慮
玄庵晚稿則病筆也卒年六十一贈禮部右侍
郎林人物考卷五 王西

郎謚文簡

王欽佩

王韋字欽佩南京人仕至太僕少卿孝德純備
喪母毀瘠卒父徽 憲宗朝給事中直諫有聲
少卿承志執節屹有稜範歷仕留署匪云要樞
確明職司金石不撓不曰孝思維則者乎論詩
專尚才情其言曰唐風既成詩自爲格不與雅
頌同趣漢魏變於雅頌唐體沿於國風雅言多
盡風辭則微今以雅文爲近詩未嘗不流於宋
也故其詩婉麗多致雋味難窮或者謂爲纖弱
詞林人物考卷五 王西

豈知所操之殊向哉